

# **AWIG - AWIG DESA ADAT JAANG**



**DESA BUAHAN  
KECAMATAN PAYANGAN  
KABUPATEN GIANYAR**

P I D A G I N G

MAKA BANTANG AWIG-AWIG DESA ADAT JAANG

MURDDHA - CITTA

	WIDANG	
PRATHAMA SARGAH	ARAN LAN WAWIDANGAN DESA	1
DWITYA SARGAH	PATITIS LAN PAMIKUKUH	2
TRITYA SARGAH	SUKERTA TATA PAKRAMAN	2
	Palet 1 Indik Krama .....	2
	Palet 2 Indik Prajuru / Dulun Desa.....	5
	Palet 3 Indik Kukul .....	6
	Palet 4 Indik Paruman .....	7
	Palet 5 Indik Druwen Desa .....	9
	Palet 6 Sukerta Pamitegep .....	10
	Kaping 1 Karang, tegal lan carik ...	10
	Kaping 2 Pepayonan .....	10
	Kaping 3 Wewangunan .....	11
	Kaping 4 Wewalungan .....	11
	Kaping 5 Bhaya .....	12
	Kaping 6 Panyanggran Banjar .....	13
CATHURTAS SARGAH	SUKERTA TATA AGAMA	
	Palet 1 Indik Dewa Yadnya .....	13
	Palet 2 Indik Resi Yadnya .....	17
	Palet 3 Indik Pitra Yadnya .....	17
	Palet 4 Indik Manusa Yadnya .....	21
	Palet 5 Indik Bhuta Yadnya .....	21
PANCAMA SARGAH	SUKERTA TATA PAWONGAN	
	Palet 1 Indik Pawiwahan .....	22
	Palet 2 Indik Nyapian .....	24
	Palet 3 Indik Sentana .....	25
	Palet 4 Indik Warisan .....	27
SAT SARGAH	WICARA LAN PAMIDANDA	
	Palet 1 Indik Wicara .....	29
	Palet 2 Indik Pamidanda .....	29
SAPTAMA SARGAH	NGUWAH-NGUWUHIN AWIG - AWIG	30
ASTHAMA SARGAH	S A M A P T A	31

# MURDHA CITTA

AUM, OM

Om Swastyastu. Om Awighnamastu Nama Siddham.

Melaksanakan panghyangning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kula warga pawonganya. Desane kamanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

- ha. Parhyangan, sahananing kahyangan, panyiwian desa genah ngarcana Ida Hyang Parama wisesa, maka Jiwan desane.
- na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti.
- ca. Palemahan, tanah kakuwuban desa, sinanggeh stula sariraning desane.

Adung patemon bhuwana kalih, larapan santa Jagadhita, sinanggeh murdhaning prayojana pangriptaning Awig-awig Desa Pakraman ring sabha Krama Desa Adat Jaang.

Pamutus sabha inucap pinaka sepat siku-siku pamatut , wastu prasida prayojanan mami kabeh prasama anghidep muwah amagehaken kadi linging Awig-awig iki.

## PRATHAMA SARGAH

### ARAN LAN WAWIDANGAN DESA

#### Pawos 1

- (1) Desa Adat Puniki mawasta Desa Adat Jaang.
- (2) Jebar kakuwub wawidangannya mawatee nyatur :
  - ha. Sisih Wetan ring Desa Adat Solasih;
  - na. Sisih Kulon ring Desa Adat Petang;
  - ca. Sisih Lor ring Desa Adat Selat;
  - ra. Sisih Kidul ring Desa Adat Buahani;
- (3) Desa puniki kawangun antuk karang ayahan Desa lan karang gunakaya dados 1 banjar, inggih punika Banjar Jaang.

DWITYA SARGAH.....

DWITYA SARGAH  
PATITIS LAN PAMIKUKUH

Pawos 2

Desa Adat Jaang ngamanggahang pamikukuh minakadi :

- ha. P a n o a s i l a ;
- na. Undang-undang Dasar 1945 pamokas Pasal 18;
- ca. Perda Propinsi Daerah Tingkat I Bali No. 06 Tahun 1986;
- ra. Tri Hita Karana manut sada cara Agama Hindu.

Pawos 3

Luwir Patitis Desa Adat Jaang:

- ha. ngukuhang miwah ngrajegang Sang Hyang Agama;
- na. nginggilang tata Prawertine maagama;
- ca. ngrajegang kasukertan Desa saha Pawongannya sakala lawan niekala.

TRITYA SARGAH

SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa inggih punika kulawarga sane maagama Hindu saha ngamong karang utawi jenek mapaumahan ring sawidangan desa.
- (2) Sajaba punika sinanggeh tamiyu, sane kabinayang dados kalih inggih punika sane maagama Hindu, miwah siwosan ring maagama Hindu.
- (3) Indik Tamiyu punika manut pararem.

Pawos 5

Krama Desa wenten 4 (petang) pawos, luwire :

- ha. krama ngarep, kula warga sane ngamong karang, utawi manut pararem;

na. krama.....

- na. krama pangempian/kamplengan, kulawarga sane nenten ngamong karang nanging sampun mawiwaha;
- ca. krama balu, krama sane katinggal seda olih lenang utawi istri nyare, utawi sangkaning nyapihan krama balu inucap kabinayang dados :
  1. Balu makrambian, inggih punika balu sane maduwe sentana dereng marabian utawi dereng antes ngayah.
  2. Balu ngalisting, inggih punika balu sane tanpa sentana.
- ra. krama-tapukan, kulawarga manut aksara ha utawi na ring ujung sakewanten durung antes ngayah utawi salami kantun masekolah malarapan ilikita pastika saking sekolahnya, yaning sampun mawiwaha keni ayah utawi durung mayusa 17 warsa, manut pararem.

Pawos 6

Ngawit dados Krama Desa :

- ha. Sangkaning ngamong karang, Jenek mapaumahan utawi manut parares;
- na. mawiwit pawiwahan.

Pawos 7

Panamaya tedun makrama Desa:

- ha. nyabran sasih kasanga saha majalaran antuk paigum saderengnya arep ring krama sane ngamong karang ayahan Desa;
- na. ngantos 3 (tigang) sasih mawiwit pawiwahan;
- ca. Jenek mapaumahan, manut pararem.

Pawos 8

Sahanan Krama Desa keni tategenan luwire :

- ha. ayah ngarep, mapiteges urunan miwah ayahan mamungkul;
- na. ayah pangempian/kamplengan, mapiteges urunan saparo saking krama ngarep, ring Pura Dalem lan Bale Banjar patch sakadi krama ngarep;
- ca. ayah balu, ayah miwah urunannya manut kahanan balu inucap, manut pararem;
- ra. ayah tapukan, keni urunan mamungkul. kaluputang ayah-ayahan, ngantos mayusa 17 warsa, utawi sampun mawiwaha. Yaning kantun masekolah, taler kaluputang ayah-ayahnya, malarapan ilikita pastika saking sekolahnya.
- ka. prade rikalaning ngayah wenten sinalih tunggil krama matilar tanpa sadok sadereng puput karya, wenang krama inucap keni pamidanda manut pararem, tanjok laler kawastanin.

Pawos 9

Swadharman Krama, eowosan ring tategenan, luwire :

- ha. Tinut saturut ring sadaging Awig-awig, pararem lan paswaran Desa;
- na. Tan maren ngutsahayang mangda Desane mrasidhayang nyujur manut patitis;
- ca. Tinut saturut ring Guru Wisesa.

Pawos.....

Pawos 10

Swadharman Tamiyu, luwire :

- ha. Tinut satureut ring yasa kortin Desane;
- na. Tan piwal ring sadaging Awig-awig, pararem lan paswaran Desa;
- ca. Nyadokang raga ring Prajuru arahina sasampun jumenek malarapan antuk ilikita pastika saking desane utawi sang ngawawenang;
- ra. Yan tan tinut pacang kairid (tan kadadosang jumenek ring Desa);
- ka. keni urunan ring Bale Banjar manut pararem.

Pawos 11

Piloh-olihan Krama :

- ha. Polih pacayuban sakala niskala tur kabawosin saha katiwakin pamutus bahanan wicaranya;
- na. Nyarengin paruman tur wenang sareng mastikayang pamutus;
- ca. Kadadosang madeg Prajuru, manut pararem.

Pawos 12

Krama Desa Adat kadadosang :

- ha. mapoangkid utawi tan tedun :
  - 1) rikala mapawangun ngeraabin, mayadnya, matepetin rare, sungkan keluasaan, lan siosan punika;
  - 2) kengin tempo wantah apisan, eajawanin wenten wak-wakan saking Prajuru Desa.
- na. nyade, mapiteges ngamademang ayah, risampun wenten panyeledihi utawi sampun mayusa 60 warsa, tur tan kadadosang nyukeukin, sang nyade mangda digelis nyantenang panyeledihi manut pararem;
- ca. nyade, utawi nyukeukin, sane kawenangang risampun manggeh deha-teruna utawi mrasidayang nganutin krama;
- ra. nutug ayah antuk arta brana saantukan kapialang utawi ngentos ayah-ayah antuk arta barana manawi kajudi olih sang mawangrat, utawi keluasaan salami 3 - 7 rahina, patut masadok ring Prajuru.

Pawos 13

Wusan dados Krama Desa, luwire :

- ha. Sangkaning :
  - 1) Pinunas ngaraga, manawi keah kadura Desa utawi ngalangkungin segera;
  - 2) Kanorayang ; duaning sampun tan prasida ngesehin salah maprawerti satata nguwug pamargin Awig-awig.
  - 3) Wusan makrama desa mapiteges taler wusan makrama banjar utawi wusan makrama banjar mapiteges wusan makrama desa, mangda sampunang kasinanggeh empak ngalanting.

na. Sang .....

na. Sang wusan makrama :

- 1) Patut ngaturang karang ayahan ka Desa, prade karang punika karang Desa;
- 2) Tan polih pah-pahan saking padruweyan Desa, manut pararem.
- 3) Tan polih pasayuban sajronin ala ayu.
- 4) Sang wusan makrama desa/Banjar prade mawali malih patut nawur seurah arih tategenan krama manut pararom.

ca. Sang wusan sangkanin kanorayang, prade mawali malih patut:

- 1) muntasang saluwir pamidanda utawi tategenan sane ngranayang kanorayang;
- 2) nunaa gong pangampura ring paruman desa maduluran panyangaskara panyapeap kaiwangan duwaning nguwak pasubaya pecak.

## Palet 2

### Prajuru lan Dulun Desa (Panglingsir)

#### Pawos 14

(1) Desa Adat Jaang kaenter olih Bendesa Adat.

(2) Banjar kaenter olih Klian Banjar.

(3) Bendesa lan Klian Banjar patut :

ha. nawiwit saking krama ngarep/pangele kajangkepin antuk:

- 1) Uning ring aksara latin utawi Bali;
- 2) Uning ring tata titining mawa desa;
- 3) Uning ring pariindik Agama lan Adat;
- 4) Lascarya ngayah tur madruwe parilaksana sane rahayu.

(2) na. kaadegang malarapan antuk kacatri olih parumannya soang-soang nyabran 5 (limang) warsa, sajawaning wenten pariindik tios, tur dados kacatri malih;

ca. maduluran Dewa saksi ring Pura Bale Agung.

#### Pawos 15

(1) Bendesa Adat kasanggra olih :

ha. Patajuh utawi Pangliman pinaka wakilnya;

na. Panyarikan pinaka juru surat;

(1) ca. Patengen utawi juru raka pinaka pangamong druwen Desa;

ra. Kasinoman pinaka juru arah.

(2) Kasinoman akehnya manut kuwiganan saha magilir nyabran ngasasih.

(3) Sajeroning ngenterang kasukertan niskala, Bendesa mingsingghang Pamangku Kahyangan Desa utawi sang Rumaga Sulingghih.

(4) Desa Adat ngadegang panglingsir pinaka Kerta Desa maka angga saking prajuru lepas, maka miwah sang wikan ring adat lan agama makuwehnyane 5 diri manut pararem.

Pawos .....

Pawos 16

(1) Swadharmaning Bendesa Adat luwire :

- ha. ngenterang pamargin sadaging Awig-awig miwah pararem Desa;
- na. nuntun tur ngenterang krama rawuhing warga Desa sami ngupadi manut petitio;
- ca. mawosin kalih niwakang pamutus arep ring wicara warga Desa;
- ra. maka dutta Desa matemuang bawos ring sapa sira ugi.

(2) Prade Prajuru iwang palaksana keni pamidanda nikel ring kaiwangan soang-soang krama, tur dados kararyanang manut pararem.

Pawos 17

Patias utawi olth-olihan Prajuru/Dulun Desa, luwire :

- ha. luput rerampen lan papeson;
- na. polih & tanding angkepan;
- ca. upen pacatu/palaba carik/tegal;
- ra. patias sewosan manut pararem yaning ngedum druwen desa.

Pawos 18

(1) Prajuru / Dulun Desa kagentosin riantukan :

- ha. s e d a;
- na. kanorayang dwaning iwang pamargi utawi nilar sesana;
- ca. wit saking pakayun utawi pinunas ngaraga.

(2) Nganorayang utawi ngentosin Prajuru/Dulu-dulu patut sajeroning paruman tur kaingkupin olih Krama Desa.

Palet 3

Indik Kukul

Pawos 19

(1) Kukul ring Desa luwire :

- ha. Kukul ring Kahyangan;
- na. Kukul Desa;
- ca. Kukul Banjar;
- ra. Kukul Sekaa-sekaa.

(2) Tabuh tatepakatan kukul ring Kahyangan Desa :

- ha. nungtit/eilih asih, tengeran wenten Yadnya/Upacara;
- na. tulud lambat, tengeran tedun ngayah;
- ca. bulus, tengeran wenten bhaya.

(3) Tabuh tatepakan kulkul ring soang banjar :

ha. Bulus :

- 1) atulud bulus panjang, tengeran kageni bhaya;
- 2) 2 (kalih) tulud bulus, tengeran kapandangan (artha bhaya);
- 3) 3 (tigang) tulud bulus, tengeran jiwa bhaya;
- 4) 3 (tigang) klentungan bulus panjang, tengeran lindu; er, lan pawana bhaya.

na. Lambat :

- 1) 2 tulud lambat, tengeran tedun ngayah utawi wenten pakaryan.
- 2) nungtit silih asih tengeran, surya grha, bulan kapangan;
- 3) atulud lambat, tengeran arah.

ca. Klentungan :

- 1) 7 (pitung) klentungan, tengeran rare embas lanang;
- 2) 5 (limang) klentungan, tengeran rare embas wadon;
- 3) 10 (dasa) klentungan, tengeran pawiwahan;
- 4) 4 (petang) klentungan ngempang panjang, tengeran ngawangdeang karya;
- 5) 3 klentungan, tengeran kalayu sekaran.

Pawos 20

- (1) Kulkul Desa utawi Banjar tan wenang katepak yening tan sangkaning pituduh Prajuru Desa / Banjar sajawaning tengeran bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan sapunika wenang sang mamurug kadanda manut pararem.
- (3) Kulkul sekaa-sekaa samaliha kulkul pondokan-pondokan tan kalugra nyawerin (matehin) sukat utawi tengeran kulkul Desa / Banjar sajawaning tengeran bhaya, prade mamurug taler kadanda manut pararem.

Palet 4

Indik Paruman

Pawos 21

(1) Paruman/sangkepan ring Desa Adat Jaang, wenten :

ha. paruman Desa/Banjar, kawentenang :

- 1) nyabran ngasasih, maka cihna tanpa arah-arah, dwaning sampun tetep panamaya manut pararem banjar, nemonin rahina Radite Umanis.
- 2) napkala ( padgata kala ) maka jalaran arah-arah manut tatujon.

na. sangkepan Prajuru/ dulun desa, kawentenang manut wiguna;

ca. paruman sekaa-sekaa manut pabuat.

(2) Paruman.....

(2) Paruman Desa utawi Banjar madudonan sakadi ring sor :

ha. prasida lumaksana risampun katedunin olih sang patut ngamiletin, kamanggala antuk tengeran kulkul miwah mabusana Adat madya, saha tan kalugra makta gegawan sakaluwire, tan maren ngarcana ring Ida Bhagawan Panyarikan maka sarana Widhi Widana cane;

na. maka sarana janggi, pangawit kalaksanayang panyacak sep-sepan saha riwusannya nyacak, ngetang dadosan gung alit manut pararem;

ca. tan kalugra ngawetuang suwara gora utawi byota, yan wenten asapunika keni pamidanda beya pacamil kadi dandaning nguman-uman ring sabha;

ra. pamutus babawos beriak sapanggul (ingkup) punika kamanggehang.

(3) Prade pidaging paruman tan kaingkupin mangda Prajuru/Dulun Desa ngilikang babawos, saha pamutusnya mangda kararemin olih Krama Desa, bilih tan prasida kasungkemin jantos ping tiga Prajuru/Dulu wenang nunas bawos ring Sang Ngawa Wenang.

#### Pawos 22

(1) Sajeroning paruman Desa, Bendesa patut nyobyahang pasargin ngenterang Desa, pamekas nganinin indik:

ha. munjuk lungsuring pakraman saha ayah-ayah, sulur arta berana, druwen Desa;

na. Rarincikan Prajuru / Dulu nganinin usaha Desa kapungkur.

(2) Pamutus paruman Desa sinanggeh pararem maka pamitegep daging Awig-awig.

#### Pawos 23

(1) Sangkepan Prajuru/Dulun Desa kawenangang wantah ngarincikang pangerencana usaha Desa kapungkur.

(2) Sangkepan Prajuru /Dulun Desa tan kawenang ngawedalang tategenan ring Krama sadereng kaingkupin olih Krama Desa ring paruman.

(3) Pamutus sangkepan prajuru/Dulun Desa ngawetuang pasuwara, maka pidaging pituduh sang Ngawawenang utawi ngonekang pecak pararem krama desa.

Palet 5

Indik Druwen Desa

Pawos 24

Padruwen Desa Adat Jaang sakadi ring sor :

- ha. Kahyangan Desa luwire :
  - 1) Kahyangan Tiga : Pura Desa lan Bale Agung, Pura Puseh, Pura Dalem lan Praja Pati.
  - 2) Pura Penataran Sanghyang Tegal.
  - 3) Pura Pangulun Banjar.
- na. Wantilan Desa;
- ca. Tanah tegalan (manut ilikita);
- ra. Karang ayahan Desa, munjuk lungsur saking 29 karang ring ajeng;
- ka. Setra;
- da. Palaba Pura, carik/tegal (manut ilikita)
- ta. Lelanguan, makadi tetabuhan lan ilen-ilen padruwen Desa/  
babanjaran luwire :
  - 1) Klentangan ;
  - 2) Ilen-ilen wali Pura : Rejang, Pendet, Baris;
  - 3) Muwah padruwean tiyosan.
- sa. Nyasa, sasanthi.
- wa. Lembaga Perkreditan Desa (LPD).

Pawos 25

Piolihi-olihi Desa Adat Jaang luwire :

- ha. piolihi-olihi saking palaba Pura;
- na. urunan Krama Desa Adat;
- ca. paica saking Guru Wisesa;
- ra. paica-paica sane tiyosan, sane patut;
- ka. usaha Desa Adat minakadi Dana Punia.
- da. usaha Desa Adat minakadi mutranang jinah.

Pawos 26

- (1) Prajuru / Dulun Desa wenang ngetangang pamupon laba Pura lan epanunggalan druwen Desa.
- (2) Pikolihi lan pamuponnya kaanggen prabeya piodalan saha wewangunan ring Pura miwah anggen kabuatan Desa Adat.
- (3) Nyabran pasangkepan Desa, Prajuru /Dulu pangamong druwen desa nguningayang pariindik munjuk lungsur ring padruwean ring Krama Desa.
- (4) Sakaluwiring druwen Desa patut wenten ilikitannya.
- (5) Tan kalugra ngadol utawi ngesahang padruweyan Desa yan tan kasungkemin olih Krama Desa ring paruman.

Palet .....

Palet 6

Sukerta Pamitegep

Kaping 1

Karang, Tegal lan Carik

Pawos 27

- (1) Krama Desa pangamong Karang Desa utawi karang gunakaya patut ngawatesin karang inucap antuk tembok utawi pagehan mangda pakantenannnya asri.
- (2) Wates sisi kaler miwah kungin patut kakaryanin olih sang ngamong karang ayahan inucap, sane mawasta gegaleng kaluan, sajawating tanah pacatu, tegal, carik utawi tanah padruweyan ngaraga, sane kapiara watese sisi klod miwah kauh utawi manut drestha reh punika mawasta gegaleng kateben.
- (3) Prade karasayang pagehan/turus inucap ngalikadin, yan pada arsa panyandinge, kengin watese nganggen pinget kewanten, kasaksinin olih Prajuru/Dulun Desa utawi pracihna pal saking Sang Ngawawenang.
- (4) prade wenten karang kabebeng /embet mangda kautsahayang wenten pamarginnya,manut paigum lan pararem.
- (5) Tan kengin :
  - ha. ngentungan wangken wewalungan kapakarangan/tegal anak lian, kalih kamargine utawi katukade;
  - na. ngembahang toya wit saking badan wewalungan, kakus, pasiraman, pawaregan, kategal, carik, kamargine utawi katukade, miwah sane siyosan, sane ngawinang ambu kawon;
  - ca. Prade wenten sakadi ring ajeng keni pamidanda manut pararem.

Pawos 28

- (1) Sinalih tunggil Krama Desa/Banjar tan kalugra :
  - ha. Ngalah-alah margi, tegal ayahan Desa, karang Desa, lan sapanunggalannya;
  - na. ngalah-alah tanah linggih kahyangan, tegak setra, lan sekancan linggih sinanggeh suci.
- (2) Prade wenten sakadi ring ajeng ,sang ngalahah wenang ngawaliang tanah inucap saha keni pamidanda manut pararem kadulurin upakara prade ngalahlah tanah suci.

Kaping 2

P e p a y o n a n

Pawos 29

- (1) Ngawit nandur pepayonan tanem tuwuh patut adepa agung (2 meter) ngajeroang saking wates,prade jantos ngaliwat wates wenang kasepat gantungin.

(2) yening.....

- (2) Yening wenten tatanduran ngungkulin, samaliha mawastu mayanin kapisaga patut kawara antuk paiguman ping ajeng mangda prasida sang nruwenang wit ngarebah utawi notor .
- (3) Prade sampun kawara taler tan wenten usaha sang nruwenang wit, sang rumasa katetehan/kajerihan wenang masadok ring prajuru/Dulu, tur risampun kaparitatas kalugra mademang wit inucap, sakewanten patin pepayonan patut katawur manut pangeloika sane nepasin.
- (4) Sang keni pamidanda panyangaokara saha prabeaya manut pararem arep ring wewangunan seng karubuhin, luwire;  
ha. Sang nruwenang wit sinanggeh mayanin, prade pungket ngarubuhin wewangunan krama tiyos;  
na. Sang notor, munggul utawi ngarebah taru tur ngarubuhin krama tiyos.
- (5) Prade wenten wit mentik sajronin wates patut kapademang, mangda tan ngranayang wicara. Prade sampun ageng kapademang, wit punika pinara tiga :  
ha. Apah tiga katur ring sang nruwenang wit.  
na. Apah tiga katur ring sang panyandingnya.  
ca. Apah tiga katur ring Dosa Adat.
- (6) Krama Desa patut ngamanggehang kawerdian tanem tuwuh sane ngawinang Desane asri.

### Kaping 3

#### W e w a n g u n a n

Pawos 30

- (1) Nyabran ngawangun patut :

ha. masadok ring Prajuru / Dulu, ping ajeng prade wewangunan nganinin wates;  
na. ngangge sukat asta bhumi miwah gagulak asta kosala - kosali, sanistane manut ring patitis niskala;  
ca. tan nyayubin kapisaga;  
ra. Tan dados ngembahang toya wit saking jempeng/WC miwah bleng-beng/bada ka pisaga.

- (2) Prade wewangunan jantos nyayubin bilih-bilih temboke ring telengin wates, risampun kawara tur kasadokang ring Prajuru/Dulu, wenang kadanda manut pararem saha tembok inucap kagubar utawi sanistane mangda kakaryanang abangan.

### Kaping 4

#### W e w a l u n g a n

Pawos 31

- (1) Warga Desa sane mamiara wewalungan patut sayaga nitenin negul/ngalogor mangda tan ngarusak karang utawi pabianan Krama sewos, bilih-bilih jantos ngaranjing ngaletihin Kahyangan.

(2) Prade.....

- (2) Prade wenten wewalungan malubar utawi ngeleb ngarusak pakarangan/pabianan Krama sewos, risampun kawara dados kataban tur kudanda ngawaliang wit sane karusak saha nawur panebas papiaran tetaban, manut pangeloikan Prajuru/Dulun Desa.
- (3) Prade jantos ngaletihin linggih suci, minakadi Pamrajan, risampun kaparitas olih Prajuru/Dulu wenang sang nruwenang kadanda mabuhu agung ( caru eka sata, maduluran tebasan prayascita durmanggala ), prade ngaletihin Kahyangan Desa utawi Pura Pamaksaan, wenang nyaronin antuk Panca sata makerep itik belang kalung.
- (4) Krama desa patut nyanggra wewalungan miwah sarwa prani, lan kapatutang ngamademang pakai, nuba ulam, miwah sane sewosan. Prade wenten malaksana sakadi punika keni pamidanda manut pararem tur kaaturang ring sang Ngawawenang.

Kaping 5

B h a y a

Pawos 32

- (1) Pariindik bhaya, luwire : jiwa bhaya, artha bhaya (kaperindungan), dura cara ring Agama.
- (2) Sang manggihin kahanan jiwa bhaya, patut nepak kulkul bulus mapitulung manut pawos 19 (3) aksara ha.
- (3) Prade ring Desa kahanan jiwa bhaya, patut Desane ngaturang Bhuta Yadnya, tur sang mayanin kaaturang ring Sang Ngawawenang.
- (4) Prade wenten jatma mamisuh utawi nguman-uman jatma tiyos, kakenanin pamidanda beya pacamil maduluran tebasan prayascitta.
- (5) Yaning wenten jatma majengilan ring bale Banjar, ring Pura, utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantos ngamedalang rah.
- (6) Yaning wenten jatma ngangge utawi nayub madat/narkoba lan sakaluwire, patut kakenanin pamidanda manut pararem, yan tan prasida katepasin olih prajuru patut kasukserahang ring sang ngawawenang.
- (7) Yaning wenten jatma mainum-inuman keras sane ngantos punyah keni pamidanda manut pararem.
- (8) Yaning wenten jatma tan samadana nyagur utawi nyakitin jatma tiyos tiyos patut kakenan pamidanda manut pararem.

Pawos 33

- (1) Sang manggihin kahanan artha bhaya (kamalingan), patut ngulkul mapitulung manut ring pawos 19 (3) aksara ha utawi sang kamalingan atur supeka ring Prajuru / Dulun Desa sane pacang nimbangin utawi nandanin manut pararem, saha maweweh panyangaskara prade wenten jatma ngamaling barang sinanggeh suci.

- (2) Pratingkahe mapailon ring dusta kabawos saruron, prade wenten jatma manggihin maling tan nyadokang ring Prajuru/ Dulu Jantos jatma tios nyaduang, patut kadanda kadi dandaning maling, sukweh pangargan wit manut cacakan Banjar, tur prade jantos ping tiga malaksana asapunika wenang kasukserah ring sang Ngawawenang.
- (3) Prade wenten jatma ngarereh reramon, minakadi daun kelapa, ron miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4) Yening wenten jatma ngaranjing kapakubon wiadin pakarangan jatma tiyos rikala suwung, mawastu sang madruwe karang kalcalan, wenang jatma inucap katuwekang antuk madewa saksi ring Pura Bale Agung.
- (5) Mangda tan katuwekang manut sakadi ring ajeng, asing-asing ngaranjing kapakubon jatma tiyos patut :
  - ha. matengeran suwara (makaukan);
  - na. nyantos sang nruwenang karang rawuh utawi masadok ring pangapit pinih tampek, maka buatan pangaranjinge;
  - ca. pamedal karangnya kadegingin sawen, maka cihna pangarah rikala suwung.

#### Kaping 6

#### Panyanggran Banjar

#### Pawos 34

Krama Desa rikala ngawentenang karya suka-duka, patut kasanggra olih Banjar, luwire :

- ha. Prade ngawangun Panca Yadnya manut pinunas sang mayadnya;
- na. Pangarombo utawi karya gotong-royong krama jantos ping tiga, langkungan ring punika patut katuran pangingu;
- ca. Pangingu rikala Pitra Yadnya manut abot dangan Yadnya, prade saking semengan ngantos wengi katuran pangingu ping kalih.
- ra. Pangarombo tiyosan manut pararem.

#### CATHURTAS SARGAH

#### SUKERTA TATA AGAMA

#### Palet 1

#### Indik Dewa Yadnya

#### Pawos 35

- (1) Kahyangan Panyiwian ring sawidangan Desa Adat Jaang luwire:
  - ha. Kahyangan Tiga, Pura Desa/Bale Agung, Puseh miwah pura Dalem lan Prajapati;
  - na. Pura Nataran Sang Hyang Tegal;
  - ca. Pura Pangulun Banjar;
  - ra. Pura Pamaksan:
    - Pura Pucak Tajum;
    - Pura Panti.

(2) Rahina.....

(2) Rahina Piodalan ring soang-soang kahyangan inucap,kad! ring sor:

ha. Ring Kahyangan tiga,luwire:

- 1) Pura Desa/Bale Agung,rikala Bhuda Umanis Julungwangi;
- 2) Pura Puseh,rikala Bhuda Umanis Julungwangi;
- 3) Pura Dalem,rikala Tileming Kasa;

na. Pura Prajapati rikala Tileming Kasa;

oa. Pura Pangulun Banjar rikala Bhuda Kliwon Ugu;

ra. Pura Penataran Sanghyang Tegal rikala Purnama Kadasa;

ka. Pura Pucak Tajun rikala Bhuda Umanis Julungwangi;

da. Pura Panti rikala Bhuda Kliwon Sinta.

(3) Pangaci ring Pura inucap manut kecap sastra Agama, saha kalaksanayang nista, madia, utama manut kawentenan lan pararem

(4) Pangempon soang-soang Pura manut dresta kadi ring sor:

ha. Pura Puseh,Kaempon olih Desa Adat Jaang;

na. Pura Desa/Bale Agung, keempon olih krama Desa Adat Jaang;

oa. Pura Dalem lan Prajapati keempon olih krama Desa Adat Jaang;

ra. Pura-Pura siwosan,minakadi;

1) Pura Pangulun Banjar, keempon olih Warga Banjar Jaang;

2) Pura Penataran Sanghyang tegal, kaempon olih krama Desa Adat Jaang;

3) Pura Pucak Tajun, keempon olih pamaksan Pura Pucak Tajun;

4) Pura Panti, keempon olih Pemaksan Pura Panti;

#### Pawos 36

(1) Ring soang-soang Pura inucap patut kaadegang Pamangku;

(2) Ngadegang Pamangku manut dudonan :

ha. Nyunjan utawi masemurang, soang-soang mapiteges mepinunas ring ajeng Pura wiadin kadura Desa manawi ring balian konteng, lan sapanunggilannya;

na. Turunan utawi waris/preti sentana (sane kaselang widhi);

ca. Kacatri olih krama Desa.

(3) Tan kawenang adegang Pamangku luwire :

ha. Candangga makadi peceng, perot, cungh lan sapanunggilan ipun;

na. Sang sapesira ugi sane tan kapatutang manut pararem;

ca. Sakit ila, ayan, buduh wiadin edan;

ra. Sane tan madrebe kasucian urip.

(4) Prabia.....

(4) Prabia kapamangkuan :

- ha. Adikea Widhi ( ngawintenin ) lanang istri kamedalin saha kalakeanayang olih sang ngadegang, makadi krama Desa utawi pangempon Pura soang-soang;
- na. Mapitra Yadnya riwekas lanang miwah istri patut kasungkemin olih Krama Desa utawi pangemong, sanistane Brahmaprayasita, panyanggrane manut pararem prade Yadnya inucap kalakeanayang oleh wargen sira pamangku.
- ca. Sinalih tunggil krama yan wenten ngipik-ipik sapari polah pamangku, nanging pamangku tan sapunika pari polahnya: kadi sane kaipik-ipik, wenang jadma inucap kasisipang nyuciang pamangku, manut pararem.

(5) Pamangku patut ngamanggehang sesananing Pamangku luwire :

- ha. Ambek Dharma sadhu;
- na. Asewaka Dharma, makadang sastra utama;
- ca. Tan parek ring naya dustha;
- ra. Tan atayub ring tarub camara yudha;
- ka. Tan manjing ring umah wong banija karma;
- da. Tan manjing ring umah wong drati krama;
- ta. Tan wenang ajajuden;
- sa. Tan anginum asing angawe mada;
- wa. Tan pati pikul-pikulan;
- la. Ten salah suluh;
- ma. Tan wenang anayub upadrawaning cor, yan mawiyawahara teka wenang adewa saksi;
- ga. Tan griganing wong akweh;
- ba. Tan wenang ngambel istri larangan;
- nga. Tan keneng cuntakaning wong len, sajawanin kulawarganya tunggil natah, utawi pasiwanya manut dresta.

(6) Prade mamurug, wenang Pamangku nyepuhin raga kasaksinin olih Prajuru Desa.

(7) Yan pacang ngawalat rabi wenang ngaturang rumuhun pawintenanya, ring pura genahnya madeg pamangku nguni, tembenya wawu wenang ngawalet rabi, riwus upacaranya wenang ngawana wasa salaminya atahun, wus punika wawu mawinten lakibi kadi pawintenanya nguni.

Pawos 37

Swadharman Pamangku luwire :

- ha. Ngenterang upacara piodalan ring Kahyangan utawi ring soang-soang pakubon krama;
- na. Prade salah sinunggil Pamangku kapialang utawi cuntaka, kengin nguntap Pamangku kahyangan desa tiosan utawi nuwur sang sulinggih;
- ca. Samaliha yan sampun Pamangku ngayah ring Pura kancit wenten kulawargannya seda, Pamangku inucap tan keneng cuntaka sakewanten Pamangku tan budal salami piodalan.

Pawos 38

Patias utawi olih-olihan Pamangku luwire :

- ha. Panyolusan miwah sarin canang ring soang-soang pakubon krama Desa;
- na. Upon palaba carik miwah tegal manut pararem;
- ca. Luput pakaryan, rerampen/reramon;
- ra. Patias sewosan manut pararem.

Pawos 39

(1) Pamangku kagentosin riantukan :

ha. S e d a :

- na. Pinunas ngaraga, sangkanin kageringan lan sapanunggalannya;
- ca. Kawusang olih krama sangkanin malaksana sane tan patut.

(2) Prade Pamangku kawusang sangkaning malaksana tan patut keni pamidanda manut pararem saha ngawaliang prabiya pawintenannya pecak.

Pawos 40

Kasukertan Kahyangan kadi ring sor :

ha. Tan kalugra ngaranjing kapura luwire :

- 1) Sang katiben cuntaka makadi sebel ring raga utawi kapademan;
- 2) Makta sahanan barang sinaggeh ngaletihin;
- 3) Sato agung, sajawaning rikala mapapada;
- 4) Mabusana sane tan patut kadi tatacaraning ngaranjing kapura;
- 5) Sadereng polih wak-wakan (pituduh ) Prajuru /Dulun Desa.

na. Pratingkahe tan wenang ring Pura :

- 1) Masumpah ( cor ) sajawaning pituduh Prajuru/Dulun Desa;
- 2) Wak parusya/wak capala, makobetan, masasenengan, makolem dados asiki lanang wadon mabacin, mawarih, macecepin, rare, majaljal/majengilan nyangseang busana, menahin pusungan (sentukan punika rikala majajahitan patut ngelung busung macingor lidinya);
- 3) Munggah tedun palinggih sajawaning pituduh Prajuru/Dulu.

ca. Sang mamurug kecap ring ajeng keni pamidanda pamrayascitta sapatutnya.

Pawos 41

(1) Yan wenten jatma karawuhan ring Pura, dados kapintonin prade rumasa kasumangsayan, yan tan wiakti, jatma inucap kasisipang manut pararem.

(2) Prade Kahyangan kehanan durmanggala, minakadi keni bhaya Pamangku/Sang manggihin, patut digelis nyadokang ring Prajuru/Dulu mangda marumang krama Desa tur ngawentenang pamrayascitta sapatutnya.

Palet.....

Palet 2

Indik Resi Yadnya

Pawos 42

- (1) Sang pacang madeg Pandita utawi Pinandita minekadi Balian Sonteng, Kubayan, Dalang, sakaluwiring sane Jagi ngenterang Yadnya patut masadok ring Prajuru Desa utawi Parisada Hindu Dharma Indonesia.
- (2) Prajuru Desa patut ngawas nitenin tur wenang ngalangin prade wenten kacihnian nyasarring kakecap miwah drestane, tur sareng nyaksinin upacaranya saha nyobyahang ring paruman Desa tegap rawuhing wates kawenangannya ngenterang yadnya.
- (3) Krama Desa patut ngaturang ayah sapamadeg miwah ring pangelepas Sang Sulinggih riwekas katuntun olih Prajuru/Dulu Desa.

Pawos 43

- (1) Sang Sulinggih lan pamangku patut ngariyining suputang ring wawidangan Desa Adat Jaang, sasampun punika wawu muputang yadnya kajebar tios Desa utawi kadura Desa.
- (2) krama desa sami patut sareng ngawas nitenin katuntun olih Prajuru/Dulu-dulu, mangda sahanan yadnya sane kawentenang kaicen pamuput olih Padanda utawi Pinandita manut kawenanganya soang-soang.

Palet 3

Indik Pitra Yadnya

Pawos 44

Pamargin Pitra Yadnya madudonan manut sakadi ring sor :

ha. Pangupakaran Sang kalayu sekaran :

- 1) antuk mendem utawi ngeseng, makacihna pakinsan ring ibu Pratiwi utawi ring geni, salami nuptupang prabeaya;
- 2) Atiwa-tiwa (upakara pangabenan / palebon).

na. Upacara upakara Pitra Yadnya riwusan kaabenan ngraris munggah daun bingin (ngaroras) manut dudonan Atma Wedana.

Pawos 45

Swadharmaning lan tategenan prade wenten sinalih tunggil Krama kalayu sekaraan :

ha. Sang kaduhkitan patut :

- 1) nyadokang ring Kliian tur nunas tatimbangan ring kawentenanya;
- 2) ngaturin Banjar ngerombo makarya eteh-ete sawa saha ngater kasetra, tur katuran panyambrama canang sasida-sidaan sios ring punika tan kadadosang, sang mamurug keni pamidanda jinah bolong 200 keteng.

na. swadharmaning.....

- na. Swadharmaning Banjar :
- 1) Klijan Banjar maritatas pamargin sang kaduhkitan, napike pacang kapendem, makingsan riyin utawi lantur kaabonang;
  - 2) Prade kapendem, reris kaswarayang kukul pamitahu manut pawos 19 (3) aksara na olih Klijan Banjar utawi wakilnya.
  - 3) Panyanggran Banjar salanturnyane :
    - ha) soang-soang Krama Banjar nedunang patus beras, aderg kelapa, miwah sane tiyosan manut pararem, sajabaning tamiyu.
    - na) ngarombo ngaryanin eteh-ete sawa, kasarengin olih Krama sane rawuh ngarombo.
    - ca) Sang sane kalayu sekaran punika keni pananjung batu beras 50 kg utawi manut pararem.
    - ra) sami Krama banjar nganter kasetra jantos puput pamendemane.
- ca. Tan kengin ngalelet langkungan ring 12 (roras) rahina yaning langkungan ring punika manut pararem, tur patut polih pagebagan manut paetengan Klijan Banjar, sang magebagan katuron sanga panyembrama.
- ra. Tan kalugra nginepang bangbang miwah mendem rikala:  
semut sadulur,  
kala gotongan,  
Pasah,  
Kliwon, kajeng Kliwon,  
Soma, Umanis, Taulu,  
Was panganten,  
Ingkel wong,  
Prawani, Purnama, Tilem,  
Rerahinan jagat.
- ka. Prade wenten kalayu sekaran rikala piodalan, kengin mendem tanpa sadok, tan nyuwarayang kentongan/kukul tur mamargi wengi/sasiliban utawi ka setra siosan ( setra pakingean ).
- da. Pamargin pamendeman utawi palebonan mangda nganutin sastra agama lan dresta.

#### Pawos 46

- (1) Sane kasinanggeh kecuntaka sakadi ring sor :
- ha. cuntaka antuk kalayu sekaran;
  - na. cuntaka antuk ngraja swala;
  - ca. cuntaka antuk ngembasang putra;
  - ra. cuntaka antuk karuron;
  - ka. cuntaka antuk sakit ila, buduh;
  - da. cuntaka antuk pawiwahan;
  - ta. cuntaka antuk gamia gamana;
  - sa. cuntaka antuk salah timpal;
  - wa. cuntaka antuk yening wenten anak istri mobot nenten kaupakarayang pabiukawonan miwah pawidiwidana;
  - la. cuntaka antuk mamitra ngalang;
  - ma. cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwidana;
  - ga. cuntaka antuk sad Tatayi.

(2) Sengker.....

(2) Sengker cuntaka manut kawentenannya:

- ha. cuntaka kalayu sekaran, cuntakanya kaanutang ring loka dresta Desa Adat Jaang;
- na. cuntaka ngraja swala, 3 rahina ngawit saking ngraja swala utawi salaming ngraja swala;
- ca. cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maprayascita manut sastra Agama, lanang wiadin istri;
- ra. cuntaka keruron, cuntakanya abulan pitung rahina (42 rahina) tur sampun matirta pamrayascita;
- ka. cuntaka sakit ila, buduh/edan, cuntakanya manut ilikita pastika saking Sang Ngawawenang/sang nambanin miwah sampun mrayascita raga;
- da. cuntaka pawiwahan, cuntakanya ngatos sasampune matirta pabiukaonan;
- ta. cuntaka gamia gamana, cuntakanya ngantos sesampune kapalasang/kasapihang tur sampun kawentenang pamrayascita raga miwah pamrayascita Desa Adat/Kahyangan;
- sa. cuntaka salah timpal kapuputang manut ring sastra Agama Hindu;
- wa. cuntaka anak istri mobot nenten kawentenang upakara pabiukaonan, cuntakanya ngantos kawentenang upakara pabiukaonan;
- la. cuntaka mamitra ngalang, cuntakanya ngantos kawentenang upakara pabiukaonan;
- ma. ngembasang putra nenten kawentenang upakara pabiukaonan miwah pawidiwidana, cuntakanya ngatos wenten sane mameras sang putra, lan sampun kawentenan upakara manut ring sastra Agama Hindu;
- ga. cuntaka Sad Tatayi, cuntakanya ngantos sampun maprayascita raga tur nenten pisan dados ngamungganghang upakara padwijatian.

(3) Cuntaka kalayu sekaraan/kapademan :

- ha. Kapademan cuntakanya :
  - 1) cuntaka/eebel kabanjar ngantos 3 rahina riwunya mendem/manut dresthu utawi sasampun polih pamrayascita.
  - 2) kulawarganis sajeroning pakarangan ngantos 42 rahina/manut dresta.  
Rikala piodalan ring pura Kancit wenten sinalih tunggil krama seda, pangapit lan panumbak pakubonnya keni cuntaka 3 rahina.
- na. Kaabenang cuntakanya :  
Sang nyambut karya Pitra Yadnya cuntakanya ngawit saking nyambut padewasan karya, wusan mapegat kalanturang malih tigang rahina.

(4) Sane katiben cuntaka luwira :

- ha. Kalayu sekaran sane kacuntaka :
  - 1) sang sane kalayu sekaran;
  - 2) kulawarganya;
  - 3) babanjaran;
- na. Ngraja swala sane kacuntaka :  
- Sang sane ngarajaswala.
- ca. Ngembas putra sane kacuntaka :  
- Kawulawarganis sane ngembasang putra lanang wiadin istri.

- ra. Pawiwahan sane kacuntaka :
  - Sang sane ngalaksanayang pawiwahan lanang wiadin istri.
- ka. Sakit ila/buduh, sane kacuntaka raganya dawak.
- da. Karuron sane kacuntaka :
  - Kawula warganya lanang wiadin istri.
- ta. Gamia gamana sane kacuntaka :
  - 1) Sang sane ngalaksanayang gamia gamana;
  - 2) Desa Adat/kahyangan.
- sa. Salah timpal sane kacuntaka :
  - 1) sang sane malaksana salah timpal;
  - 2) kulawarganya;
  - 3) Desa Adat/kahyangan.
- wa. Anak istri mobot nenten kawentenang upacara pabiukaonan sane kacuntaka :
  - Sane maraga istri (sane mobot)
- la. Mamitra ngalang sane kacuntaka :
  - Sane ngalaksanayang mamitra ngalang.
- ma. Ngembas putra nenten kawentenang upakara pabiukaonan miwah upakara pawidi-widana sane kacuntaka :
  - 1) Sang sane ngembasang putra;
  - 2) Putra sane embas.
- ga. Sad Tatayi, sane kacuntaka :
  - Sang malaksana Sad Tatayi.

(5) Tan keneng cuntaka, luwire :

- 1) Sang sulinggih lan Pamangku Kahyangan tiga;
- 2) Rikula piodalan risampun ngalang sasih/ngalang tengah utawi sampun krama Desa nunas sela.

Pawos 47

(1) Attiwa-tiwa (pangabenan) kalaksanayang antuk :

- ha. Sawa prateka, pangabenan mawatang sawa;
- na. Sawa resi, pangabenan mawatang antuk sawa kresyan;
- ca. Suwasta, pangabenan mawatang sawa sane tan kakeniang, kagentos antuk lalang utawi toya.

(2) Panemayan pangabenan wenten kalih pawos :

- ha. Ngaben dadakan/bah bangun manut pararem;
- na. Ngaben ngamasa, manut pararem.

(3) Dudonan pangabenan ngawit saking ngagah (seda), ngeseng ngantos pangiriman utawi nganyut.

Pawos 48

(1) Pepatusan pangabenan wenten kalih pawos :

- ha. Ngaben ngamasa manut pararem;
- na. Ngaben dadakan luwire : beras, kelapa, taluh, jinah, busung, utawi manut pararem.

(2) Pangingune ring Krama banjar ngawit ngayah manut abot dangan kawentenana karya.

palet.....

palet 4

Indik Manusa Yadnya

Pawos 49

(1) Manusa Yadnya inggih punika upacara-upakara dharmaning kahuripan manusa, ngawit sakeng patemoning kama bang kalawan kama petak sajeroning garbha ngantos kalayu sekaran riwekas.

(2) Upacara ring ajeng madudonan sakadi ring sor :

- ha. magedong-gedongan duk pangerempinian ibiang;
- na. duk sang kamareka medal;
- ca. kepus odel/pungsed;
- ra. roras rahina;
- ka. tutug kambuhan (42 rahina);
- da. nigang sasihin ( 3 sasih );
- ta. pawetuan/otonan/odalan (6 sasih);
- sa. tumbuh gigi/ngempugin;
- wa. tutug kelih (ngeraja swala wadone, ngembakin lanange)
- la. matutah/mapandes;
- ma. mawiwaha;
- ga. mawinten.

(3) Upacara-upakara inucap nista, media, utama manut sastra Agama Hindu lan dresta.

Palet 5

Indik Bhuta Yadnya

Pawos 50

(1) Bhuta Yadnya inggih punika upacara-upakara byakala ring Pratiwi lan Kahyangang, sarwa prani saha upacara-upakara ring babuthan miwah ring piranti sewosan.

(2) Upacara pabyakala ring sarwa prani, sarwa tumuwuh muwang piranti luwire :

- ha. Ring sarwa lelandep rikala Saniscara Kliwon wara Landep;
- na. Ring sarwa tumuwuh lan piranti rikala Saniscara Kliwon wara Wariga;
- ca. Ring sarwa syandana/wahana rikala Saniscara Kliwon wara Kuningan;
- ra. Ring sarwa lelanguan rikala Saniscara Kliwon wara Krulut;
- ka. Ring sarwa ingon-ingon/ wewalungan rikala Saniscara Kliwon wara Uye;
- da. Ring sarwa ringgit, ukir-ukiran rikala Saniscara Kliwon wara Wayang;
- ta. Upacara pakala-kaian manusa manut widana, kabawos pabyakala.

(3) Upacara pabyakala ring Pratiwi, Kahyangan lan Babuthan kawastaning macaru.

(4) Pacaruan inucap ring ajeng niata, madia, utama, manut wiguna kadi ring sor :

ha. Ekasata;	na. Panca sata;
ca. Panca sanak;	ra. Resi gana;
ke. Tawur Agung;	da. Panca kelud;

(5) Sajawaning kadi ring ajeng kawentenang upakara :

ha. majot-jotan utawi yadnya sosa nyabran wusan ngarateng;  
na. masapuh-sapuh rikala pacang wali ring pura;  
ca. Pacaruan pasasih kalaksanayang nangken Tilem ngawit sasih ka 5, 6, 7, 8, lan ka 9, sajawanin wenten durbiksan jagat.

#### Pawos 51

(1) Nangken ngawarsa rikalaning Tilem kasanga kawentenang tawur kasanga, kalanturang antuk ngarupuk, makacihna pacang mapag rahina panyepian benjangne.

(2) Brata panyepian sane kamargiang olih krama Desa;

ha. amati geni; tankengin maapi-api;  
na. amati karya; tan kengin nyambut karya;  
ca. amati lelanguan, tan kengin maoneng-onengan, masuwara gora, lan sapanunggalannya.  
ra. amati lelungan, tan dados malancaran.

(3) Pabratan inucap kamargiang sakeng semeng ngantos semeng benjangne raris kasuwarayang kulkul punika cihna pangembak.

(4) Sang mamurung kecap ring ajeng keni pamidanda manut pararem Banjar/tempek soang soang kamargiang olih patelik (pacalang Desa).

(5) Riwus rahina Nyepi (benjangne) maka cihna pangawit Isaka Warsa, patut warga Desa sami madharma Santi.

#### PANCAMA SARGAH

#### SUKERTA TATA PAWONGAN

#### Palet 1

#### Indik Pawiwahan

#### Pawos 52

(1) Pawiwahan inggih punika patemon purusa kalawan pradana, malarapan panunggalan kayun suka lila kadulurin upasaksi sakala niskala.

(2) Pamargin.....

(2) Pamargin pawiwahan luwire :

- ha. Pepadikan, kamanggala antuk pakrunayan;
- na. Ngarorod, marangkat riyin wawu kakrunayang;
- ca. Nyeburin utawi sentana nyeburin (risampun nganutin upakara pamerasan);

(3) Pidada sang pacang mawiwaha patut :

- ha. sampun manggeh daha - taruna (prasida nganutin Undang-undang);
- na. sangkaning pada lila (tan kapakea);
- ca. manut kecap sastra Agama ( tan gamia gamana );
- ra. kasudiwadani prade pangambile tios Agama, utawi kapatiwangi.

(4) Pamargin pawiwahan mangda taler nganutin Undang-undang Perkawinan sakeng Sang Ngawawenang.

Pawos 53

(1) Pawiwahan sane kapatutang ring Desa, sakadi ring sor :

- ha. sampun kamargiang pabyakala utawi pasakapan, kasaksiang sakala niskala olih Pandita utawi Pinandita;
- na. wenten pasaksi Prajuru/Dulu-dulu sane mapakelingang utawi ngilikitayang pawiwahan;
- ca. sampun matengeran suwaran kulkul;
- ra. pawiwahan inucap ring ajeng sampun kacatetang ring sang Ngawawenang.

(2) Parabian sane tan manut kadi kecap ring ajeng sinanggeh tan patut.

Pawos 54

Tata caraning parabian patut sakadi sor :

ha. Sapa eira ugi-pacang ngawarangang pakulawarganya patut masadok ring Prajuru/Dulu-dulu, salanturnya Prajuru/dulu maritatas manut tan manut pamargin parabine;

na. pamargin pepadikan manut dudonan :

- 1) Pakrunayan jantos ping tiga, saha soang-soang malarapan:
  - ha) kapertama antuk canang/seedah lan sundih utawi lampu;
  - na) kaping kalih antuk canang pangrawos;
  - ca) kaping tiga antuk daksina pajati kabawos pamuput pamadikan.
- 2) risampun puput raris sang istri kaajak budal ring pakubon sang-lanang, saha kalanturang antuk pabyakala.
- 3) mangda puput tumus sakala niskala, raris kulawarga purusa makta pajati ring Pamarajan wadone.

ca. Prade ngarorod/marangkat patut :

- 1) reraman lanange ngawentenang pamilaku/pangenduh antuk duta sakirangnya 2 (kalih) diri;
- 2) pagenahan antene tan kengin ring pakubon sang lanang sadereng mabeyakala.

ra. Sajeroning.....

- ra. Sajeroning pakrunayan/pangelukuan patut :
- 1) kamanggala antuk geng pangampura arep ring reraman wadone;
  - 2) kaigumang bawos idih pakidih utawi palegayan arep ring pasewakan sang ngidih saha dewasa pakrabkambeyane riwekas;
  - 3) kacihnayang indik kaparusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kamanggehang sentana nyeburin;
  - 4) prade tan terima pajati, pakrunayan kamargiang jantos ping tiga.
- ka. pakerab-kambeyan mapiteges upacara tinas apadang (puput) mapakuren, dwaning manut sekadi ring sor :
- 1) Sajeroning kabawos ambe, kalaksanayang ring sakala niskala masarana jejauman miwah pawidi widana :
    - ha) jejauman pinaka ngambe/ngadungang kayun soang-soang pakulawangan wadone;
    - na) widi widana pinaka pajati niskala nunas wadone ring Pamrajanya.
  - 2) Sajeroning bawos kerab pamargi ring sakala :
    - ha) antuk panyaksi Krama Banjar, dwaning kaparabiang matengeran swaran kulkul, tur keni panebas swaran kulkul manut pararem;
    - na) pamekas pasaksi Prajuru / Dulu-dulu sane ngilikitayang.

## Palet 2

### Indik Nyapian

#### Pawos 55

- (1) Pawiwahan prasida kawusang malarapan antuk palas parabian utawi kapademan.
- (2) Wusan mapakuren riantukan salah sinunggal seda mapiteges balu, makadi balu lanang/istri.
- (3) Palas parabian inggih punika sangkaning mawiwit wicara utawi sampun waneh.
- (4) Sang ayat palas marabian patut atur supeksa palikitar riyin ring sang Rumawos wastu tinas apadang pamutuse kabawos nyapian wawu Prajuru nyobyahang kawentenannya ring Desa saha keni panebas swaran kulkul manut pararem.
- (5) Yaning wenten parabian palas bongkot (sadereng wenten pamutus saking sang rumawos/pengadilan negeri) ayahan kabebasan ngawit saking sang palas bongkot atur supeksa, ring bendesa adat utawi klian banjar.
- (6) Prade sang palas parabian bongkot jangkep malih, sang purusa keni pamidanda manut pararem, kawewehin pawedalan krama salami ipun belas bongkot.

Pawos.....

Pawos 56

Tata cara palas parabian sakadi ring sor:

- ha. nawur prabeya pasaksi sinalih tunggil sami matonga;
- na. pagunakayan polih pahan pada;
- ca. pabekel, tadtadan soang-soang kakuasa niri-niri miwah warisan kakuasa olih purusa;
- ra. ngaweruhin miwah ngupajiwain pratisentana manut swadharmening guru rupaka;
- ka. nawur pamidanda panebasan swaran kulkul manut pararem;
- da. ngelung jinah logika Prajuru/Dulu;
- ta. mapamit ring pamrajan lanange.

Pawos 57

Prade riwekas sang palas kacihnna adung malih, patut :

- ha. ngalaksanayang pawiwahan malih;
- na. kadenda nikel saking palase.

Pawos 58

(1) Sang balu kabinayang dados :

- ha. balu luh wit sentana (sentana rajeg) miwah balu luh boya sentana;
- na. balu muani kapurusa (wit sentana) miwah balu muani nyeburin (boya sentana).

(2) Swadharmaning balu inucap patut :

- ha. ngamanggehang patibrata tan kengin ngamargiang paradara/drati krama;
- na. nguasayang waris pagunakaya, tan dados ngadol, ngadeang, makidihang lan siosan punika, sajawaning kabebasan olih pianak utawi kulawarga pinih tampek sakeng kurenannya prade pianak kantong alit-alit;
- ca. kengin ngidih sentana prade wenten pidabdab sadurung sinalih tunggil padem, saha kabebasan olih kulawarga sakeng kapurusa;
- ra. kawenangang mawiwaha malih, prade wenten kabebasan manut angka/aksara ring ajeng.

Pawos 59

Balu kaucap tan pageh sakadi ring sor :

- ha. dratikrama utawi paradara;
- na. matilar saking pakubon tan pasadok jantos 6 (enam) sasit;
- ca. lempas ring swadharma sewos-sewosan, tan prasida ngesehin solah maprawerti arep ring pituduh sane patut sakeng kulawarga purusa.

Palet 3

Indik Sentana

Pawos 60

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahan kapatut.
- (3) Prade pawiwahan tan kapatut ngawetuang sentana, mangdu tan kantun kawastanin babinjat utawi astra patut kamanggala antuk panyangaskara.
- (4) Prade pawiwahan tan ngawetuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngalaksanayang pawiwahan kaceburin.
- (6) Sang sane dados kaarsayang sentana rajeg inucap wiwit angka (5). inggih punika :

ha. Pratisentana wadon tunggal;

na. Sampun kamanggehang dados pratisentana lanang (purusa);

ca. Kapawiwahan kaceburin kautamayang antuk jadma sane maagama hindu utawi jadma sane maagama siyosan sane sampun ngalaksanayang pamarisuda raga utawi sudiwadani;

ra. Sane ngamanggehang sentana rajeg patut mapasadok ring Prajuru Banjar, tur I Klian Banjar patut nyobyahang ring Banjar saha ngaturang ring Prajuru Desa Adat.

Pawos 61

- (1) Ngangkat sentana manut dudonan patut makacihna arta berana pamerasan sane kesakeiang sakala-niskala;
- (2) Sapa sira ugi krama pacang ngidih sentana patut masadok ring Bendesa sanistana 3 (tigang) sasih sadereng pamerasan. Bendesa ngalanturang pakarsa punika ring sang ngawa wenang;
- (3) Bendesa kawakilin olih Klian-klian Banjar nyobyahang ring sawidangan Desa, sang sapa sira ugi rumasa tan lila mangda nyadokang masenger kalih uku (14 rahina) sabanen pamerasan ring Bendesa Adat;
- (4) Prajuru /Dulu Desa digelis mawosin saha ngicenin pamutus nepek ring catur dresta miwah pararem;
- (5) Prade sulur paperasan tan manut kadi kecap ring Ajeng. Prajuru/Dulun Desa wenang ngandeg sang pacang mameras saha ngicenin pamutus mangda kapuputang riyin babawon, sulur utawi wicaranya.

Pawos.....

Pawos 62

- (1) Paperasan sane kapatut ring Desa risampun makacihna :
  - ha. Widi-widana paperasan;
  - na. Kasaksinin olih prajuru Desa sane makelingang utawi ngilikitayang.
  - ca. Kasobyahang ring wawidangan Desane.
- (2) Sane kapatut peras angge sentana kadi ring sor:
  - ha. Jatma maagama Hindu.
  - na. papernahan nedunang saking sang meras ;
  - ca. Kulawarga saking purusa, prade tan wenten kengin sakeng wadon, yening taler tan wenten wawu kengin sakama-kama (saking kayun);
  - ra. Kautamayang saking waris pancer kapurusa;
  - ka. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tios sakewanten sang maagama Hindu.
- (3) Kengin ngangkat sentana langkungan ring adiri, lanang wadin wadon, prade ngangkat sentana lanang wadon, nenten dados kapawiwahang.

Palet 4

Indik Warisan

Pawos 63

- (1) Warisan inggih punika tetamian arta berana saha ayah-ayah ngupadi kasukertan sakala lan niskala saking kaluhurannya arep ring turunannya.
- (2) Kang sinanggeh warisan luwire:
  - ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggalanya;
  - na. Pamerajan;
  - ca. Pagunakayan, tadtadan / jiwa dana, hutang piutang.
- (3) Wawu kengin kabawos warisan prade wenten :
  - ha. Sang mapiturun ( pawaris ) ;
  - na. Katurunan ( ahli waris ) ;
  - ca. Arta berana miwah tategenan makacihna warisan.

Pawos 64

- (1) Ahli waris luwire :
  - ha. Pratisentana purusa ;
  - na. Pratisentana pradana (sentana rajeg);
  - ca. Sentana paperasan lanang/wadon.

- (2) Prade tan wenten sakadi ring ajeng, kang sinanggeh ahli waris :
- ha. Turunan purusa pernah ngunggahang, rerama lanana, pekak salanturipun rerama misan, mindon;
  - na. Turunan purusa pernah kasamping makadi kaponakan misan, mindon.

Pawos 65

Swadharmaning alih waris patut :

- ha. Narima saha nguwasayang tetamian pahan saking kaluhuranya, makadi ngarempon sanggah, Pura saha pangupakaranya miwah nyelidihinin ayah-ayahan pawaris;
- na. ngabenang pawaris saha ngalanturang upacara-upakara pitra.
- ca. Nawurin hutang - hutang pawaris sane manut pangeloika.

Pawos 66

Pangepahan waris manut sakadi ring sor :

- ha. Risampun kalaksanayang Pitra Yadnya lan hutang-hutang pawaris buntas katawur;
- na. Para ahli waris polih pahan pada sangkaning pagunakayan, sajabaning karang / tegal, ayahan Desa kaamong olih ahli waris kang sinanggeh krama ngarep;
- ca. Sinalih tunggil ahli waris kengin tan polih pahan prade:
  - 1) Nilar kawitan lan sesananing Agama;
  - 2) Alpaka guru rupaka;
  - 3) Sentana rajeg kesah mawiwaha utawi pratisentana nyeburin, soang-soang kabawos ninggal kadaton.
- ra. Boya ahli waris kengin muponin hasil manut dudonan luwire :
  - 1) Sentana luh salami dereng kesah mawiwaha utawi tan alpaka guru, miwah prade madrebe pianak tan kaangkenin olih wong tua rare inucap, kengin ngawaris wantah pikolih pagunakaya sentana luh inucap kemawon;
  - 2) Balu luh wiadin muani nyeburin (soang-soang boya sentana);
  - 3) Mulih daha utawi taruna, riantukan ring pawiwahane pecak sampun kabawos ninggal kadaton.
- ka. Pawaris kengin maweweh rikala maurip pinaka jiwa dana, tadtadan/ bekel, makacihna paweweh tetep ring pianak sane kesah mawiwaha.

Pawos 67

- (1) Prade sajeronin pakulawargan wenten ahli waris langkungan ring adiri patut :
- ha. kawentenang paigum indik pedum waris inucap;
  - na. yen tan prasida katunasang tatimbang ring Prajuru (kerta Desa);
  - ca. prade taler tan wenten cumpu ring panepas Kerta Desa, kengin katumusang ring sang Rumawos.

(2) Prade.....

- (2) Prade karang inucap kaputungan, patut Prajuru/Dulu-dulu nibekang ring :
- ha. sang sinanggeh ahli waris manut pawos 64;
  - na. sang kengin anggen sentana manut pawos 62 angka (2) miwah angka (3);
  - ca. prade taler tan wenten cumpu ring panepas Kerta Desa, kengin katumusang ring sang Rumawos.
- (3) Prade Jantos karang Desa kaepah utawi kasepih, patut soang-soang nedunin makrama Desa marep.

SAT SARGAH

WICAPA LAN PAMIDANDA

Palet 1  
Indik Wicara

Pawos 68

- (1) Sane wenang mawosin makadi mutusang wicara ring Desa inggih punika Prajuru / Dulu Desa sinanggeh Kerta Desa.
- (2) Tata dudonan mawosin saha muputang wicara warga desa kadi ring sor :
- ha. Kaping ajeng kabawosin olih Kelihan Banjar.
  - na. Tan cumpu ring panepas Kelihan Banjar, patut karauhan; ring pangelingsir Banjar/Desa, yan cumpu karerehang pamutus ring paruman Banjar.
  - ca. Prade tan cumpu ring pamutus Banjar, katumusang ring Bendesa Adat lan Kerta Desa.
  - ra. Taler tan wenten cumpu ring pamutus Bendesa lan Kerta Desa katunasang ring Paruman Desa Adat.
- (3) Prade sang mawicara tan wenten cumpu ring pamutus paruman desa lan Kerta Desa, kengin nunasang wicara inucap ring sang Rumawos.

Pawos 69

- (1) Sahanan wicara mawiwit kacorahan saka luwire sinanggeh nungkasin daging Awig-awig, pararem miwah paswaran Desa/Banjar, Prajuru / Dulu patut digelis mawosin tan nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
- (3) Panepase patut pastika nyantenang iwang patut malarapan Tri Pramana ( saksi, ilikita, bukti ) miwah tan maren nepek ring Catur Dresta.

Palet 2

Indik Pamidanda

Pawos 70

- (1) Desa/Banjar wenang niwakang pamidanda ring warga Desa/Banjar sane sisip.

(2) Paniwak.....

- (2) Pamiwak: inucap kalaksanayang olih Bendesa/Klian Banjar.
- (3) Bacakan pamidanda luwire :
  - ha. ayahan panukun kasisipan;
  - na. danda arta;
  - ca. kanorayang;
  - ra. panyangaskara.
- (4) Pamidanda sane katiwakang patut masor singgih manut ring kasisipane.
- (5) Jinah utawi raja brana pamidanda ngaranjing dados druwen Desa/Barajar.

#### Pawos 71

- (1) Krama sane langkungan ring tigang paruman ngalantur tan nawur urunan miwah dadanden wenang karampang.
- (2) Rerampagan ngangge tata etra kadi ring sor :
  - ha. Kalaksanayang olih Prajuru kasarengin olih Krama saakeha tigang diri maka saksi;
  - na. Sang ngarampang sangkonin darsana ngambil barang utawi nyawenin tanem tuwuh, akehnya manut ring utang sang karampang, sang karampang mangda lila nyukserahang barangnya sane dados wala;
  - ca. Prajuru/Dulu miteketang mangda barang-barang sane karampang digelis katebus, masenger awuku (7 rahina) ring kutus rahinane pacang kaadol;
  - ra. Tan nganinin saluwir barang sane patut inggilang manut Agama miwah tan mademang pangupa jiwa sang karampang.

#### Pawos 72

- (1) Prade sang pacang karampang ngawara (ngalangin) palaksanaan inucap mawastu sampun tan nganutin Awig-awig Desa wenang karang Desa sane kagenahin kadaut olih Desane.
- (2) Samaliha yen purun taler ngalangin palaksanaan kadi ring ajeng tan wenten pamargi sajawaning kasepekan olih Krama Desane.
- (3) Pamidanda inucap ring ajeng keni buntas, risampun sang kakeninin :
  - ha. nunas geng pangampura ring Krama Desa riantukan nguak pasubaya (pararem) pecak;
  - na. nawur pangangan panguak pasubayane duk pacang karampang kadulurin pamrayascitta panyapsap kaiwangane ring Desa.

SAPTAMA SARGAH

NGUWAH - NGUWUHIN AWIG - AWIG

Pawos 73

- (1) nguwah-nguwuhin Awig-awig Desa puniki kalaksanayang ring paruman Desa.
- (2) Awig-awig puniki kamargiang ngawit kaingkupin (kararemin).

Pawos 74

- (1) Sakaluwirin sane wenten saderengnya patut kaanutang ring sadaging Awig-awig puniki.
- (2) Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararem-pararem.

ASTHAMA SARGAH

SAMAPTA

Pawos 75

- (1) Awig-awig puniki kararemin duk rahina Bhuda Kliwon Gumbreg panglong ping 15 sasih Kapitu isaka 1922 tanggal Masehi 24 Januari 2001 ring wantilan Desa Adat Jaang.
- (2) Awig-awig puniki kalingga tanganin olih Bendesa lan Prajuru Adat, kasarengin Klian Banjar, saha kasaksinin olih Prajuru Dines pinaka saksi.
- (3) Luwir sang ngalingga Tanganin :  
ha. Kaprathama Prajuru Adat :

1. Bendesa Adat

  
NYOMAN MAHARDIKA

2. Panyarikan

  
I MADE PURNA

3. Klian Banjar Jaang

*[Handwritten signature]*  
I WAYAN GRAMPANG

na. Kaping kalih Prajuru Dinas pinaka saka :

- 1. Kepala Dusun/Banjar Jaang

*[Faint circular stamp]*  
I WAYAN GRAMPANG

- 2. Kepala Desa

*[Circular stamp: PEMERINTAH KABUPATEN BATAK HARAU, KEPALA DESA SUKAMAH, BANYOHAN SUKAWAJA, KECAMBAHAN PAYANGAN]*

*[Circular stamp: BUPATI CEMET PAYANGAN]*

*[Handwritten signature]*  
DRS. I MADE SARI SUDARMAPUTRA

Mengelahui dan telah dicatatkan

Pada tanggal : 31 Agustus 2001  
Nomor : 20 Tahun 2001

*[Circular stamp: BUPATI GANYAR]*

**BUPATI GANYAR**

*[Handwritten signature]*  
TJOKORDA GDE BUDI SURYAWAN, SH.